

## Carta najndyee na seiljeii Pedro

*Pedro seicwanoom carta na m'a<sup>n</sup> nn'a<sup>n</sup> na t'oom'ndye*

<sup>1</sup> Maja Pedro na cwiluiindyō apóstol, ts'a<sup>n</sup> na majñom Jesucristo ts'iaa<sup>n</sup> 'naa<sup>n</sup>a<sup>n</sup> matseiljeiya ñ'oomwaa na matseicwano<sup>n</sup>ya juuna' ndaa' 'o na jnda t'oom'ndyo', na m'a<sup>n</sup>yo' l'ondaa Ponto, Galacia, Capadocia, Asia ñ'e<sup>n</sup> Bitinia,

<sup>2</sup> ndaa' 'o na jaach'ee xuee tjeii'ñe Tsotyaaya Ty'oots'om 'o na laxma<sup>n</sup>yo' cwentaa<sup>n</sup>a<sup>n</sup> cha'xje<sup>n</sup> na seijndaa'ñê. Cantyja 'naa<sup>n</sup> Espíritu Santo tqueññoo<sup>n</sup> 'o na nlaxma<sup>n</sup>yo' na calacanda<sup>n</sup>yo' jo noom ndo' na nlaxma<sup>n</sup>yo' na lju' n'om'yo' ñequio nioom' Jesucristo. Quiaa Ty'oots'om na canda<sup>n</sup>ya nnto'ñoom'yo' naya na matseixmaa<sup>n</sup> ñequio na tjaa ñomtiuu c'om'yo' jo nnoom.

*Cwicantyyaa' n'oo<sup>n</sup>ya na nntandoo'nnda'a*

<sup>3</sup> Catseit'maa<sup>n</sup>ñena' nguii Ty'oots'om na cwilui-ñê Tsotye Ta Jesucristo cwentaa<sup>n</sup>ya. Jom nc'e na jee<sup>n</sup> wi' ts'oom jaa jnda s'aa<sup>n</sup> na cwiluiindyoxcoo nc'e na tando'xco Jesucristo. Cantyja 'naa<sup>n</sup> jo' m'aa<sup>n</sup>ya na cwicantyyaa' n'oo<sup>n</sup>ya na nndaaya na nntandoo'a.

<sup>4</sup> Cantyja 'naa<sup>n</sup> Jesucristo nnts'aa Ty'oots'om na nnto'ñoom'yo' juu na nnda'yo' na cwileiwe cañoom'luee na lju' tseixma<sup>n</sup>na' na tijoom cwi'ndaa' mei<sup>n</sup> xoc'uaana' cha'na ljaa'.

5 Nc'e na cwilayu'ya n'om'yo' ñ'e<sup>n</sup> Ty'oots'om mawañoom'm 'o ñequio najndeii na matseixmaa<sup>n</sup>. Nnts'aa<sup>n</sup> na ljo' hasta ncuee na macandā quia na nleitquioo' na nncwji'n'maa<sup>n</sup>ñê 'o.

6 Nc'e na manquiuyu' na macwji'n'maa<sup>n</sup>ñê 'o, t'ma<sup>n</sup> cwiquioo na nei<sup>n</sup>'yo', meii<sup>n</sup> mach'eena' maniom jndye nnom nawi' na cwiwinom'yo' je'. Saa tiyo maca<sup>n</sup>na' na nntjom'yo' nmei<sup>n</sup>', ntyja nncwinomna'.

7 Juu na cwila'yu'ya n'om'yo' matseijomna' juuna' cha'cwijom s'om cajaan, juuna' maca<sup>n</sup>na' na nncwinom'yo' nawi' cha nleitquioo' cwanti na jndana'. Juu na matseyu'ya ts'om ts'a<sup>n</sup> na ya nncwinomna' nawi', jndati tseixma<sup>n</sup> jo' nchi-iti s'om cajaan na cwintycwiina'. Ndo' naljo', juu na cwila'yu'ya n'om'yo', jnda teitquioo' na ya jlui'yo', quia na nncwjee'nnda' Jesucristo, nluii't'ma<sup>n</sup>ndyo' cantyja 'naa<sup>n</sup>! juu jo'.

8 'O meii<sup>n</sup> tyoonty'ia'yo' jom, saa candya' n'om'yo' ñ'e<sup>n</sup>ñê. Meii<sup>n</sup> na nchii cwinty'ia'nda<sup>n</sup>'yo' jom, saa nc'e na jom quit'ma<sup>n</sup> n'om'yo', mañequiaana' na t'ma<sup>n</sup> waa na nei<sup>n</sup>'yo'. Mei<sup>n</sup> tileicaliu'yo' cwaa<sup>n</sup> ñ'oom na nndu'yo' na nei<sup>n</sup>'yo'. Ndo' juu na nei<sup>n</sup>'yo' matseit'maa<sup>n</sup>ñena' Ty'oots'om.

9 Ee nc'e na cwila'yu'yo' ñ'e<sup>n</sup> Jesucristo, cwito'ñoom'yo' na macwji'n'maa<sup>n</sup>ñe Ty'oots'om aña<sup>n</sup> 'na<sup>n</sup>'yo'.

10 Ncuee na teinom nquiee profetas na tyoñequia ñ'oom' Ty'oots'om cantyja 'naa<sup>n</sup>! na quia nluii, tyola'naa<sup>n</sup>na ñ'oom'm ndo' t'cuu t'cuu ñe'cala'no<sup>n</sup>'na cantyja 'naa<sup>n</sup>! na nncwji'n'maa<sup>n</sup>ñê nn'a<sup>n</sup>, ndo'

nc'e naya na matseixmaa<sup>n</sup> ñejlanei<sup>n</sup>na cantyja 'naa<sup>n</sup>na'.

11 Nquii Espíritu na matseixma<sup>n</sup> Cristo na tyom'aa<sup>n</sup> quii' n'omna, tyuaa' t'mo<sup>o</sup><sup>n</sup> ndaa na<sup>n</sup>ñee<sup>n</sup> nawi' na ntjom Cristo ndo' na ndaquia nntseit'maa<sup>n</sup>ñena' juu. Tcuu tcuu tyol'ueena 'ñee<sup>n</sup> ts'a<sup>n</sup> tsa<sup>n</sup>ñee<sup>n</sup> na t'mo<sup>n</sup> Espíritu ndaana ndo' cwaa<sup>n</sup> xje<sup>n</sup> nncwjee'.

12 Na<sup>n</sup>ñee<sup>n</sup> t'mo<sup>n</sup> Ty'o<sup>o</sup>ts'om ndaana na tixocaluiñe Cristo xje<sup>n</sup> na cwita'ndo' nquieena. T'mo<sup>o</sup><sup>n</sup> ndaana na nnc'oom juu xje<sup>n</sup> na m'aa<sup>n</sup> jaa. Jo' chii ndyumeii<sup>n</sup>ñe, ñequio na mateijndei Espíritu Santo na jñom Ty'o<sup>o</sup>ts'om, cwiñe'quia nn'a<sup>n</sup> ñ'oom naya ndaa'yo' cantyja 'naa<sup>n</sup> Jesucristo. Jee<sup>n</sup> cajnda ñ'oom nayawaañe hasta matseiquee<sup>n</sup>na' n'om ángeles na ñecalano<sup>n</sup>na juuna'.

### *Ty'o<sup>o</sup>ts'om maquee<sup>n</sup>ñê na c'o<sup>o</sup><sup>n</sup> na lju' n'o<sup>o</sup><sup>n</sup>*

13 Que<sup>n</sup>tye<sup>n</sup>yo' cantyja na cwila'tiuu'yo'. Cal'a' che<sup>n</sup>ncjo'yo' xje<sup>n</sup> na ñe'cwii n'om'yo'. C'om'yo' na ñe'cwii waa na quit'ma<sup>n</sup> n'om'yo' cantyja naya na nnts'aa Ty'o<sup>o</sup>ts'om 'o quia na nndyonnda' Ta Jesucristo.

14 Nc'e na cwiluiindy<sup>o</sup> ntseinda Ty'o<sup>o</sup>ts'om na cwila'canda<sup>n</sup>ndyo', catjei'ndyo' cantyja 'naa<sup>n</sup> joo ts'iaa<sup>n</sup> na ñejla'jomndyo' cwi<sup>t</sup>j<sup>o</sup>che<sup>n</sup> na ta'jna<sup>n</sup>yo' jom.

15 Nquii Ty'o<sup>o</sup>ts'om na t'maa<sup>n</sup> 'o cwiluiñê na lju' ts'oom. Jo' chii mati 'o c'om'yo' na lju' n'om'yo' jo nnoom cantyja cha'tsoti na cwitsam'a<sup>n</sup>yo'.

16 Ee teiyo teiljeii ñ'oom' Ty'ooots'om na matsona': "Nc'e na ja cwiluiindyō na lju' ts'oō<sub>o</sub>ya, mati 'o c'om'yo' na lju' n'om'yo'."

17 Nc'e na cwilcwi'yo' Tsotye'yo' na nque<sup>n</sup> xocats'aa<sup>n</sup> na neii<sup>n</sup>e<sup>n</sup> cwii ts'a<sup>n</sup> saa cwiiche<sup>n</sup> tineii<sup>n</sup>e<sup>n</sup>, jo' chii c'om'yo' na nquia'yo' jom yoche<sup>n</sup> na m'a<sup>n</sup>'yo' ljooñe cha'cwijom nn'a<sup>n</sup> na cwe' cwiqueya.

18 Juu na ñet'om'yo' cwitjooche<sup>n</sup> na jla'yu'yo' ñ'e<sup>n</sup> Ty'ooots'om na jee<sup>n</sup> cwe' ts'iaa<sup>n</sup>ndyo jo', tjei'ñ'maa<sup>n</sup>ñê 'o cantyja 'naa<sup>n</sup>'na', joo jo' t'moo<sup>n</sup> welo'yo' ndaa'yo'. Manquiujndaa'ndyo' na juu na tjei'n'maa<sup>n</sup>ñê 'o, nchii ñjoml'ua juuna' ñequio 'na<sup>n</sup> na cwindyue, cha'na s'om cajaan oo s'om xuee,

19 'o ñjoml'uandyo' ñequio nioom' Cristo na jee<sup>n</sup> ndya' jnda, na tquiaañe che<sup>n</sup>nque<sup>n</sup> na jla'cuee'na jom cha'cwijom cwii catsma<sup>n</sup> na cwiñe'quia nn'a<sup>n</sup> na cwila't'maa<sup>n</sup>ndyena Ty'ooots'om, na mei<sup>n</sup>cwii ticatseixmaa<sup>n</sup> na ticandaa'ñê, cha'cwijom catsma<sup>n</sup> na canchii'ñeñ'e<sup>n</sup>.

20 Cwitjooche<sup>n</sup> na nlque<sup>n</sup> Ty'ooots'om tsjoom-nancue, saa jnda tquee<sup>n</sup> na nntjom Cristo na ljo'. Saa hasta ndyumeii<sup>n</sup> tquiaa Ty'ooots'om na teitquioo'ñê cha nnteijndeiina' 'o.

21 Je' cantyja 'naa<sup>n</sup>' Jesucristo m'a<sup>n</sup>'yo' na cwila'yu'yo' ñ'e<sup>n</sup> Ty'ooots'om. Manquiityee<sup>n</sup> tquiaa<sup>n</sup> na tando'xco juu jnda na tue', ndo' seit'maa<sup>n</sup>ñê juu. Ndo' nc'e na ljo' cwila'yu'ya n'om'yo' ñ'e<sup>n</sup>ñê, ndo' cwicantyyaa' n'om'yo' jom.

22 Ndo' je', nc'e na cwito'ñoom'yo' ñ'oom na mayuu', jo' na lju' añmaa<sup>n</sup>'yo' cha xcwee' n'om'yo' cwil'a'yo' na cwilawi' n'om'yo' nn'a<sup>n</sup>'yo' na cwila'yu'. Ndo' matsona' na c'om'yo' na

wi' n'om'yo' cwii ndo' cwiindyoy' ñequio na lju' n'om'yo' ndo' ñequio cha'waa na jnda'yo'.

<sup>23</sup> Ee jnda' tuiixcondyo' cwe' nchii cantyja 'naa<sup>n</sup> nn'a<sup>n</sup> na cwiwje. 'O jnda' tuiixcondyo' cantyja 'naa<sup>n</sup> ñ'oom' Ty'oqots'om na wando', cwii na m'aa<sup>n</sup> ndo' m'aa<sup>n</sup>.

<sup>24</sup> Ee ñ'oom' Ty'oqots'om na seiljeii Isaías, matsona':

Cha'tsondye nn'a<sup>n</sup> matseijomna' jona cha'cwijom tso jnda'a.

Ndo' juu na t'ma<sup>n</sup> na cwiluiindyena matseijomna' juuna' cha'cwijom lja' tso jnda'a.

Saa quia na cwicaa<sup>n</sup> tso jnda'a, cwiquiaa lja'na',

<sup>25</sup> saa ñ'oom' Ty'oqots'om ticantycwii na m'aa<sup>n</sup>na'. Ndo' juu ñ'oom'ñee<sup>n</sup> na tyoñequia nn'a<sup>n</sup> ndaa'yo' tseixma<sup>n</sup>na' ñ'oom na nlui'n'maa<sup>n</sup>ndye añmaa<sup>n</sup> nn'a<sup>n</sup>.

## 2

<sup>1</sup> Nc'e na luaa', catjei'ndyo' cantyja 'naa<sup>n</sup> cwii cwii nnom natia, cha'tso na maquiunna'na', cha'tso na we waa na mach'ee ts'a<sup>n</sup>, cha'tso na cwila'taa' n'om nn'a<sup>n</sup> nc'iaana, cha'tso na cwitio'ñ'oom nn'a<sup>n</sup> nt'omche<sup>n</sup>.

<sup>2</sup> Cha'xje<sup>n</sup> yo'ndaa na 'ndaandye cwil'ueena ndaatsuu' tsondyeena, cjoo' n'om'yo' na cal'ue'yo' ndaatsuu ñequii' cantyja 'naa<sup>n</sup> Espíritu, cha cantyja 'naa<sup>n</sup> jo' nntsanajnda'yo' na laxma'yo' nn'a<sup>n</sup> na macwji'n'maa<sup>n</sup>ñe Ty'oqots'om,

<sup>3</sup> xe<sup>n</sup> na aa mayuu'che<sup>n</sup> jnda' cwique<sup>n</sup>yo' cwenta na jee<sup>n</sup> ya cwiluiiñe nque<sup>n</sup> na matsa'ntjoom 'o.

*Cristo cwiluiiñê tsjo' na wando'*

4 Jo' chii cala'candyoo'ndyo' jo nnom nque<sup>n</sup> na cwiluiiñê tsjo' na wando', nque<sup>n</sup> na tjeii' nn'a<sup>n</sup> cwenta na xocwil'ueñê, saa tjei' Ty'ooots'om jom na l'ueñê ndo' jnda ntyjii jom.

5 Ndo' mati 'o, na cwiluiindyoy' ljo' na cwita'ndo', quiandyoy' na mawil'uee'ñe Ty'ooots'om 'o na cwiluiindyoy' wats'om yuu na m'aa<sup>n</sup> Espíritu, cwiluiindyoy' cwii tmaa<sup>n</sup> ntyee na lju' n'om, na cantyja 'naa<sup>n</sup> Jesucristo cwila't'maa<sup>n</sup>ndyoy' Ty'ooots'om, ts'iaa<sup>n</sup> cantyja 'naa<sup>n</sup> Espíritu na jee<sup>n</sup> cwijaawee' ts'oom.

6 Ee naquii' ñ'oom' Ty'ooots'om na teiljeii matsona':

Quii' tsjoom Sión maqua<sup>n</sup>ya cwii tsjo' na tseixma<sup>n</sup>na' tsjo' nquii tsia<sup>n</sup>tsjo' w'aa.

Matso Ty'ooots'om:

Ja tjeii'a jom cwentaya ndo' jee<sup>n</sup> ndya' jnda cwiluiiñê;

Mei<sup>n</sup>ñee<sup>n</sup>che<sup>n</sup> ts'a<sup>n</sup> na matseyu' ñ'e<sup>n</sup>ñê,

tijoom xuee nnts'aana' na cwe' ts'iaa<sup>n</sup>ndyoy' na ñentyjaa' ts'om jom.

7 Cantyja 'na<sup>n</sup> 'o na cwila'yu'yo' ñ'e<sup>n</sup> nque<sup>n</sup> na cwiluiiñê tsjo'waa, jee<sup>n</sup> jnda cwiluiiñê saa cantyja 'naa<sup>n</sup> joo nn'a<sup>n</sup> na ticalayu' ñ'e<sup>n</sup>ñê, matseicandaa'ñena' na matso ñ'oom' Ty'ooots'om na teiljeii:

Juu tsjo' na tqiee' luañê na cwil'a w'aa,

tseixma<sup>n</sup>na' tsjo' nqui tsia<sup>n</sup>tsjo'.

8 Ndo' mati waa cwiiche<sup>n</sup> ñ'oom' na matseinei<sup>n</sup>na' cantyja 'naa<sup>n</sup>a<sup>n</sup>:

Jom matseijomna' cha'cwijom cwii tsjo' ty'a, cwii tsjo' na matseiquiaana' nn'a<sup>n</sup>.

Tquiaandyena ee tilañ'oom'ndyena ñ'oom cantyja naa<sup>n</sup>'a<sup>n</sup> ee luaa' teijnoomna.

*Nn'a<sup>n</sup> na cwiluiindy e cwentaa' Ty'oots'om*

<sup>9</sup> Saa 'o cwiluiindy' tmaa<sup>n</sup> nn'a<sup>n</sup> na macwji' Ty'oots'om cwentaa<sup>n</sup>'a<sup>n</sup>, cwii tmaa<sup>n</sup> ntyee na cwindye'ntjom'yo' nnom nque<sup>n</sup> na tjacantyja cwiluiñê na matsa'ntjoom, cwiluiindy' nn'a<sup>n</sup> cwii tsjoomnancue na lju' ts'om, cwii tmaa<sup>n</sup> nn'a<sup>n</sup> na m'a<sup>n</sup>'yo' cwentaa<sup>n</sup>'a<sup>n</sup>, nmeii<sup>n</sup> laxma<sup>n</sup>'yo' cha nntjei'yuu'ndyo' na jee<sup>n</sup> t'ma<sup>n</sup> ts'iaa<sup>n</sup> mach'ee<sup>n</sup> ñ'e<sup>n</sup>ndyo', nque<sup>n</sup> na t'maa<sup>n</sup> 'o na calui'yo' naquii' najaa<sup>n</sup> ndo' na nlajomndyo' ñequio na nei<sup>n</sup>ncoo' naxuee na cwiluiñê.

<sup>10</sup> Ñet'om'yo' na tilaxma<sup>n</sup>'yo' tmaa<sup>n</sup> cwentaa' Ty'oots'om, saa je' je' cwila'xma<sup>n</sup>'yo' juuna'. Jaach'eeti xuee t'caliu'yo' na candya' ts'oom 'o, saa je' je' cwiliu'yo' na ljo' jom ñ'e<sup>n</sup>ndyo'.

*Xcwe c'om'yo' cha ndaa ndye'ntjom'yo' nnom Ty'oots'om.*

<sup>11</sup> 'O nn'a<sup>n</sup>ya na jee<sup>n</sup> wi' ts'o<sup>o</sup>'ya, nc'e na cwiluiindy' cha'cwijom nn'a<sup>n</sup> na cwe' cwiquieya, ndo' cwe' cwiwinom'yo' tsjoomnancue, maca<sup>n</sup>'a ndaa'yo' na tañequiandyo' na joo na l'ue n'om seii'yo' na nnc'oochona' 'o xje<sup>n</sup> 'naa<sup>n</sup>'a'.

<sup>12</sup> Xcwe c'om'yo' quii'ntaa<sup>n</sup> nn'a<sup>n</sup> na tic'om nacje 'naa<sup>n</sup> Ty'oots'om, ee na nl'a'yo' na ljo' meii<sup>n</sup> na tia ñ'oom cwilane<sup>n</sup>'na nacjo'yo' na cha'cwijom tiann'a<sup>n</sup>ndyo', nlque<sup>n</sup>'na cwenta naya na cwil'a'yo' ndo' xuee quia na ñnequiana cwenta nnom Ty'oots'om, nla't'maa<sup>n</sup>'ndyena jom cantyja 'na<sup>n</sup>'yo'.

13 Ndo' cwe' nc'e na cwiluiindyoy' cwentaa' nquii Ta Jesús, jo' chii catue'ndyoy'cye'yo' ndaā cha'tso nn'a<sup>n</sup> na m'a<sup>n</sup> n'iaa<sup>n</sup>. Najndyee nnom nquii tsa<sup>n</sup>ma<sup>n</sup>ts'iaa<sup>n</sup>t'ma<sup>n</sup>,

14 ndo' mati ndaā nn'a<sup>n</sup> na matsaa<sup>n</sup>a<sup>n</sup> nacje 'naa<sup>n</sup>a<sup>n</sup> na cwic'ee<sup>n</sup> n'iaa<sup>n</sup>. Ee joona cwito'ñoomna ñ'oom na catu'xe<sup>n</sup>na nn'a<sup>n</sup> na cwil'a natia. Ndo' mati cwila't'maa<sup>n</sup>ndyena nn'a<sup>n</sup> na cwil'a yuu na maty'iomyana'.

15 Ee l'ue ts'om Ty'oōts'om na cal'a'yo' yuu na maty'iomyana' cha cantyja 'naa<sup>n</sup>jo' nntseiche<sup>n</sup>na' nn'a<sup>n</sup> na tijndo' n'om na ntjei<sup>n</sup> ljo' cwil'a.

16 'O cwiluiindyoy' nn'a<sup>n</sup> na jndā seicandyaañe Ty'oōts'om naquii' natia. Saā ticala'tiuu'yo' na ljo' s'aa<sup>n</sup> ñ'e<sup>n</sup>ndyoy' cha nncju'naa<sup>n</sup>ñena' na nl'a'ti'yo' na ticaty'iomyana'. Cal'a'yo' cha'xe<sup>n</sup> na maca<sup>n</sup>na' na cal'a nn'a<sup>n</sup> na cwiluiindyey mozo jo nnoom.

17 C'om'yo' na cwila't'maa<sup>n</sup>ndyoy' cwii cwii ts'a<sup>n</sup> cantyjati na matsona'. Mati c'om'yo' na jnda nquiu'yo' nn'a<sup>n</sup> na cwila'yu'. Cala't'maa<sup>n</sup>ndyoy' Ty'oōts'om ñequio na jnda nquiu'yo' jom. Mati tsa<sup>n</sup>ma<sup>n</sup>ts'iaa<sup>n</sup> t'ma<sup>n</sup>, cala't'maa<sup>n</sup>ndyoy' jom.

*Juu na tjom Cristo na wi' t'ma<sup>n</sup>, luaa ma'mo<sup>n</sup>na'.*

18 'O na tye<sup>n</sup> m'a<sup>n</sup>yo' mozo ndaā patrom 'na<sup>n</sup>yo', catue'ndyoy'cye'yo' ndaā joona meii<sup>n</sup> aa ya nn'a<sup>n</sup>ndyena oo aa tiann'a<sup>n</sup>ndyena.

19 Ee jee<sup>n</sup> ya cantyja 'naa<sup>n</sup> ts'a<sup>n</sup> quia mañequiaa<sup>n</sup>ñe na ñecuaa na ticaty'iomyana' ljo' matjoom ee ntyjee<sup>n</sup> xcwe m'aa<sup>n</sup> jo nnom Ty'oōts'om.

20 Ee xe<sup>n</sup> cwila'sei'na 'o nc'e cwii nnom na tia na jndā l'a'yo', ¿yuu waa naya 'na<sup>n</sup>yo' meii<sup>n</sup> na m'a<sup>n</sup>yo' na cwiljoya n'om'yo' na cwicacho'yo'? Saā xe<sup>n</sup> cwila'quii n'om'yo' quia na cwicacho'yo'



jnaa<sup>n</sup> na l'a'yo' yuu na ya, luaa' jee<sup>n</sup> xcwe jo nnom Ty'o<sup>o</sup>ts'om.

<sup>21</sup> T'ma<sup>n</sup> Ty'o<sup>o</sup>ts'om 'o na caljoya n'om'yo' meii<sup>n</sup> na nntjom'yo' nmei<sup>n</sup>, ee teinom Cristo na wi't'ma<sup>n</sup>, cwii na nlui'ndyo' jom na ntsantyjo'yo' 'naa<sup>n</sup> nc'ee<sup>n</sup>.

<sup>22</sup> Ee mei<sup>n</sup>cwii tîcatseitjo<sup>o</sup>ñê mei<sup>n</sup> tîquinqiu'nn'aa<sup>n</sup>.

<sup>23</sup> Quia na jla'jnaa<sup>n</sup> nn'a<sup>n</sup> jom, tîtseilcwee<sup>n</sup>e<sup>n</sup> ñ'oom jnaa<sup>n</sup> nda<sup>a</sup>ana. Quia na ta'wi'na jom, saa tîco'wee<sup>n</sup>e<sup>n</sup> joona, cwe' 'ndiiñetoom ñequio l'o Ty'o<sup>o</sup>ts'om na xcwe macu'xe<sup>n</sup>.

<sup>24</sup> Ñequio seii<sup>n</sup>e<sup>n</sup> tjachom jnaa<sup>n</sup>ya nacjoo' ts'oom'naa<sup>n</sup> cha nla'xmaa<sup>n</sup>ya l'oo jo nnom jna<sup>n</sup> ndo' quii'ntaa<sup>n</sup> nn'a<sup>n</sup> nc'o<sup>o</sup>nya cha'xje<sup>n</sup> na maty'iomyana'.

<sup>25</sup> Ee cwitjo<sup>o</sup>che<sup>n</sup> na tajna<sup>n</sup>'yo' Cristo, ñeseijomna' 'o cha'na canma<sup>n</sup> na jnda<sup>a</sup> tsuundyeyoo', saa je' na jnda<sup>a</sup> lcwe'yo' cantyja 'naa<sup>n</sup> Cristo, mach'ee<sup>n</sup> cwenta añmaa<sup>n</sup>'yo' cha'xje<sup>n</sup> mateix'ee sto quioo'ñee<sup>n</sup> ndo' na mawañoom'm 'o.

### 3

#### *Luaa matsona' na c'om nn'a<sup>n</sup> na jnda<sup>a</sup> tunco*

<sup>1</sup> 'O yolcu na m'a<sup>n</sup> s'aa'yo', mala'ti' catue'ndyo'cje'yo' nda<sup>a</sup>ana cha 'ñee<sup>n</sup> joona na tyoola'yu' ñ'oom naya 'naa<sup>n</sup> Ty'o<sup>o</sup>ts'om, nc'oola'n<sup>o</sup>'na na mayuu' juuna' nc'e na cwique<sup>n</sup>na' cwenta chiuu m'a<sup>n</sup>'yo' joo nda<sup>a</sup>ana meii<sup>n</sup> tyoond'u'yo' nda<sup>a</sup>ana,

<sup>2</sup> ee na cwique<sup>n</sup>na cwenta na xcwe tsam'a<sup>n</sup>'yo' jo nda<sup>a</sup>ana ñequio na cwila't'maa<sup>n</sup>'ndyo'.

3 Juu na cwilatycwi'ndyo' cantyja 'na'yo' til'a'yo' cwe' ñequio 'na' na cwiwitquioo' cha'na cwila'tycwi'yo' soonque'yo', 'na' na tuiina' ñequio s'om cajaan oo liaa na jee' chjoom.

4 'O calaxma'yo' na tycwi'ndyo' naquii' n'om'yo', na juu na nei'ncoo'ndyo' xocanty-cwiina', na nleitquioo' jo' laxma'yo' quia na ya nn'a'ndyo' mei' titsei'ndaa'na' 'o ljo' na cwitjom'yo'.

5 Ee yolcu na tyom'a' na tandyo xuee na tyoluiindyee na lju' n'om, maluaa' tyola'xma'na, tyocantyjaa' n'omna Ty'ooots'om ndo' tyotuee'ndyecjena ndaa' s'aana.

6 Maluaa' tyotseixma' Sara. Tyotseicandaa'ñê nnom Abraham, ndo' tsoom nnom saa'a'na Ta.

7 Ndo' mati 'o na'nom na m'a'lcuu'yo', c'oom'ya n'om'yo' cantyja 'naa'na, cala't'maa'ndyo' jooa na ticwe'ntyjo na jndana cha'na 'o, saa' mati nc'e juu naya na matseixma' Ty'ooots'om na ñecwii xje' mañequiaa' na laxma'na na ticantycwii na cwita'ndo'na cha'xje' 'o. Luaa' cal'a'yo' cha tint-seicu'na' na ñee' ñ'oom na cwita'yo' nnoom.

*Cwitjoom nn'a' nawii' na cwil'ana na maty'iomyana'*

8 Ndo' cha'tsondyo' c'om'yo' ñequio nn'a' na cwila'yu' na ñecwii cwila'tiuu'yo' na jnda nquiu'yo' jooa. C'om'yo' na wi' n'om'yo' cha'cwijom ñenquii ts'a'ntseinda 'o. Cal'a'yo' na jndati nquiu'yo' nt'omche' ñequio na nty'iaandyo' ñ'e'ndyena.

9 Ts'a'na natia mach'ee 'o, tilalcwe'yo' nawii' nacjoo' tsa'ñee'. Xe' na matseijnaa'a'na 'o, 'o

tila'jna<sup>n</sup>yo' jom. 'O cwiiche<sup>n</sup> ljo cal'a'yo', cata<sup>n</sup>yo'  
na catio'naa<sup>n</sup>ñe Ty'oo<sup>t</sup>s'om ts'a<sup>n</sup> na nmeii<sup>n</sup>  
mach'ee, ee jnda seijndaa'ñê na 'o nnto'ñoom'yo'  
na nntio'ñaa<sup>n</sup>ñê 'o.

<sup>10</sup> Ee waa ñ'oom' Ty'oo<sup>t</sup>s'om na teiljeii na mat-  
sona':

Mei<sup>n</sup>quia ts'a<sup>n</sup> na ñe'c'oom na ya quii'ntaa<sup>n</sup> nc'iaa',  
xe<sup>n</sup> ntyjaa' ts'om na cha'tso xuee na wando'  
nnc'oom na neii<sup>n</sup>,

quia jo' cats'aañe che<sup>n</sup>quii xje<sup>n</sup> tsa.

Tantseinei<sup>n</sup> ñ'oom na tia, mei<sup>n</sup> tañe'quiaañe na  
nntseinei<sup>n</sup> cantu.

<sup>11</sup> Cwji'ñê cantyja 'naa<sup>n</sup> natia, cats'aa<sup>n</sup> yuu na ya,  
cal'uee<sup>n</sup> na caljyaandyee nn'a<sup>n</sup> ñ'e<sup>n</sup> nc'iaana.

Que<sup>n</sup>ñê na cats'aa<sup>n</sup> naljo'.

<sup>12</sup> Ee maque<sup>n</sup> Ty'oo<sup>t</sup>s'om cwenta nn'a<sup>n</sup> na cwilui-  
indyee cwentaa<sup>n</sup>a<sup>n</sup>,

ndo' mañee<sup>n</sup> ñ'oom na cwilanei<sup>n</sup>na nnoom,  
saa nn'a<sup>n</sup> na cwil'a natia, m'aa<sup>n</sup> nacjoo na<sup>n</sup>ñee<sup>n</sup>.

<sup>13</sup> Ee xe<sup>n</sup> ñequii'che<sup>n</sup> cwil'a'yo' na ya, ¿ñee<sup>n</sup>  
nnda<sup>n</sup> nnts'aa nawi'ñe ñ'e<sup>n</sup>ndyo'?

<sup>14</sup> Saa meii<sup>n</sup> xe<sup>n</sup> cwiwinom'yo' nawi' na  
jnda l'a'yo' naya, matio'naa<sup>n</sup>ñe Ty'oo<sup>t</sup>s'om 'o.  
Mei<sup>n</sup> ncwii ts'a<sup>n</sup> tinc'om'yo' na nquia'yo' juu,  
tila'catyuendyo'.

<sup>15</sup> 'O naquii' n'om'yo' cala't'maa<sup>n</sup>ndyo Cristo  
na cwiluiiñê na matsa'ntjoom 'o. Ñequii'che<sup>n</sup>  
c'omc'eendyo' na nt'q'yo' nnom ts'a<sup>n</sup> na mawax'ee  
chiiu waa na cwicantyyjaa' n'om'yo' jom,

<sup>16</sup> c'om'yo' cha'xje<sup>n</sup> na maca<sup>n</sup>na' cha mei<sup>n</sup>cwii  
ñomtiuu tacandii' nquiu'yo' cha joo nn'a<sup>n</sup> na  
tia cwilanei<sup>n</sup>na cantyja chiiu cwitsaam'a<sup>n</sup>yo'

na cwilayu'yo' ñ'e<sup>n</sup> Cristo, nc'omna na jnaa<sup>n</sup>na cantyja 'naa<sup>n</sup>l ñ'oom na cwilanei<sup>n</sup>na.

17 Ee xe<sup>n</sup> na l'ue ts'om Ty'o<sup>o</sup>ots'om, yati na co'wi'na' ts'a<sup>n</sup> nc'e mach'ee yuu naya, nchiiti na co'wi'na' juu na mach'ee natia.

18 Cristo ñejom tjoom nawi' nc'e jnaa<sup>n</sup> jaa, taca<sup>n</sup>na' na cue'nnaa<sup>n</sup>a<sup>n</sup>. Jom na ticatseixmaa<sup>n</sup> jna<sup>n</sup> tuee<sup>n</sup>e<sup>n</sup> cwentaa jaa nn'a<sup>n</sup> jna<sup>n</sup>, cha nnda<sup>a</sup> nncwjaa'ñê jaa cwentaa' Ty'o<sup>o</sup>ots'om. Cantyja 'naa<sup>n</sup>l seii<sup>n</sup>e<sup>n</sup> tuee<sup>n</sup>e<sup>n</sup>, saa nc'e espíritu 'naa<sup>n</sup>a<sup>n</sup> tando'xcoom.

19 Ndo' cantyja 'naa<sup>n</sup>l espíritu na tseixmaa<sup>n</sup>, tjanquiaa<sup>n</sup> ñ'oom ndaa<sup>a</sup> espíritu 'naa<sup>n</sup> l'oo na m'a<sup>n</sup> jna<sup>n</sup>,

20 na joona xuee'ñee<sup>n</sup>che<sup>n</sup> ñejla'tjo<sup>o</sup>ndyena yoche<sup>n</sup> na tyom'aa<sup>n</sup> Noé. Xje<sup>n</sup>ñee<sup>n</sup> tyomei<sup>n</sup>ndoo'nty'iaañe Ty'o<sup>o</sup>ots'om na calcwe' n'omna' yoche<sup>n</sup> na tjaluii w'aandaa, na cantyja 'naa<sup>n</sup>l juuna' ñe'ñee<sup>n</sup> ts'a<sup>n</sup> jlui'n'maa<sup>n</sup>ñe naquii' ndaatioo'ñee<sup>n</sup>.

21 Ndaatioo'ñee<sup>n</sup> matseijomna' juu ndaa na cwiwits'oomndyo, na cantyja 'naa<sup>n</sup>l jo' laxmaa<sup>n</sup>ya nn'a<sup>n</sup> na cwilui'n'maa<sup>n</sup>ndyo je'. Na cwiwits'oomñe ts'a<sup>n</sup> tica'mo<sup>n</sup>na' cantyja 'naa<sup>n</sup>l na nlju'ñê, cantyja 'naa<sup>n</sup>l juuna' ma'mo<sup>n</sup>na' na maca<sup>n</sup> ts'a<sup>n</sup> na tic'oom na m'aa<sup>n</sup>l m'aa<sup>n</sup>l ts'oom jo nnom Ty'o<sup>o</sup>ots'om ndo' na tseixma<sup>n</sup> ts'a<sup>n</sup> na cwilui'n'maa<sup>n</sup>ñe nc'e na tando'xco Jesucristo.

22 Tjalcwee<sup>n</sup>e<sup>n</sup> cañoom'luee ndo' wacatyee<sup>n</sup> nty-jaa' ts'o Ty'o<sup>o</sup>ots'om ntyjaya yuu cwituee'ndyecje cha'tso ángeles ñequio nt'omche<sup>n</sup> nnom na cwilui-itquiendye ndo' m'a<sup>n</sup> nt'omche<sup>n</sup> na waa na jnda la'xma<sup>n</sup>.

## 4

*Candyantjoo'ya cantyjati naya na  
cwicandaaya nnom Ty'oots'om*

<sup>1</sup> Jo' chii, cha'xje<sup>n</sup> na tco'wi'na' Cristo ñequio seii<sup>n'e</sup>, mati 'o la'xma<sup>n</sup>'yo' na ññequiandyo' na co'wi'na' 'o, ee ts'a<sup>n</sup> na maco'wi'na' juu ñequio seii', jnda ty'ioo'ñê na ñe'que<sup>n</sup> jna<sup>n</sup> xje<sup>n</sup> jom,

<sup>2</sup> cha cantyjati xuee na wañoom'm nnc'oom cha'xje<sup>n</sup> na l'ue ts'om Ty'oots'om, nchii cha'xje<sup>n</sup> na quee<sup>n</sup> ts'om seii' ts'a<sup>n</sup>.

<sup>3</sup> Tco xuee na ñel'a'yo' cha'xje<sup>n</sup> cwil'a nn'a<sup>n</sup> na tic'om nacje 'naa<sup>n</sup> Ty'oots'om, ñel'a'yo' natia na cwil'a na<sup>n</sup>ñee<sup>n</sup>, tyom'a<sup>n</sup>'yo' na quee<sup>n</sup> n'om'yo' nt'omche<sup>n</sup>, ñejla'xma<sup>n</sup>'yo' nn'a<sup>n</sup> candyee, tyocwa'jndoo'ndyo' ndo' tyowe'yo', ndo' tyola't'maa<sup>n</sup>'ndyo' joo na cwe' nn'a<sup>n</sup> l'a.

<sup>4</sup> Saã je' nc'e na ticalajomndyo'ti'yo' ñequio na mawinom'na' natia na cwil'a na<sup>n</sup>ñee<sup>n</sup>, jo' mat-seiñ'ee<sup>n</sup>ñena' joo na ndo' tia ñ'oom cwilanei<sup>n</sup>na cantyja 'na<sup>n</sup>'yo'.

<sup>5</sup> Saã ncue'ntyjo xje<sup>n</sup> na nlca<sup>n</sup>'na' na ññequiana cwenta nnom Nque<sup>n</sup> na m'aa<sup>n</sup>c'eeñê na nncu'xee<sup>n</sup> nn'a<sup>n</sup> na cwita'ndo' ndo' nn'a<sup>n</sup> na jnda tja.

<sup>6</sup> Jo' chii ndaa l'oo jnda teinei<sup>n</sup> ñ'oom' Ty'oots'om cha cha'xje<sup>n</sup> jom wanoom'm, mati nndaã nnta'ndo'na meii<sup>n</sup> jnda tu'xe<sup>n</sup>ndyena cha'xje<sup>n</sup> cwitu'xe<sup>n</sup>ndye cha'tso nn'a<sup>n</sup>.

<sup>7</sup> Jnda wjaawindyoo' na nntycwii cha'tso. Nc'e na ljo' catjei'ya'yo' cwenta chiuu cwitsam'a<sup>n</sup>'yo', ndo' calanei<sup>n</sup>'yo' nnom Ty'oots'om ñequio na xcwee' n'om'yo'.

8 Ndo' na t'ma<sup>n</sup>ti c'om'yo' na xcwe na m'a<sup>n</sup>yo' na jnda nqui'u'yo' nc'iaa'yo' na cwilayu' ee quia na m'aa<sup>n</sup> ts'a<sup>n</sup> na jnda ntyjee<sup>n</sup> x'iaa<sup>n</sup>a<sup>n</sup>, matseit'ma<sup>n</sup>ya ts'oom ts'a<sup>n</sup> na matseitjooñe nnoom.

9 Cateix'ee'yo' nn'a<sup>n</sup> na cwe' cwiquieya l'a'yo', mei<sup>n</sup> tila'ncjoo'ndyo' ñ'e<sup>n</sup>ndyena.

10 Cwii cwiindy'o' cwicanda'yo' cwii nnom na nndaã nl'a'yo' ts'iaa<sup>n</sup> 'naa<sup>n</sup> Ty'o<sup>o</sup>ots'om. Cha'xje<sup>n</sup> mach'ee cwii ts'a<sup>n</sup> na mato<sup>n</sup> ts'iaa<sup>n</sup>, jo' cwil'uee'ndyo'ya'yo' jndye nnom naya na matseixma<sup>n</sup> Ty'o<sup>o</sup>ots'om.

11 Xe<sup>n</sup> macandaa' ts'a<sup>n</sup> na catseinei<sup>n</sup>, ñ'oom na mañequiaa<sup>n</sup> cats'aana' cha'cwijom nqui Ty'o<sup>o</sup>ots'om matseinei<sup>n</sup>. Xe<sup>n</sup> macandaa' ts'a<sup>n</sup> na mateijnei<sup>n</sup> nn'a<sup>n</sup>, cats'aa<sup>n</sup> naljo' ñequio najndeii na matseixmaa<sup>n</sup> na mañequiaa Ty'o<sup>o</sup>ots'om. Cha'tso na cwil'a'yo' cal'a'yo' juuna' cha caluiit'ma<sup>n</sup>ñe Ty'o<sup>o</sup>ots'om nc'e Jesucristo, ee jom tseixmaa<sup>n</sup> na caluiit'ma<sup>n</sup>ñê, ticantycwii najndeii na matseixmaa<sup>n</sup>. Amén.

*Xe<sup>n</sup> cwita'wi' nn'a<sup>n</sup> 'o, nmeii' cal'a'yo'*

12 'O nn'a<sup>n</sup>ya na cwila'yu'yo', tints'aana' na tile-icala'no<sup>n</sup>yo' cantyja 'naa<sup>n</sup> juu na wi' na cwiwinom'yo' na juuna' matseijomna' cha'cwijom mawinom ts'a<sup>n</sup> quii' chom, tinc'oom' n'om'yo' na juu jo' t'ma<sup>n</sup> waa na cwichuii'na' ñequio na cwitjoom nt'omche<sup>n</sup> nn'a<sup>n</sup>.

13 Nchii jo' na nl'a'yo'. 'O c'om'yo' na nei<sup>n</sup>yo' na cwitjom'yo' na ljo' ee cantyja 'naa<sup>n</sup> jo' cwilajomndyo' na tco'wi'na' Cristo cha mati candaã' na nei<sup>n</sup>yo' quia na nleitquioo'ñê na nluiit'ma<sup>n</sup>ñê.

14 Xe<sup>n</sup> na cwitio'ñ'oom nn'a<sup>n</sup> 'o ee na cwiluiindy'o' cwentaa' Cristo matio'naa<sup>n</sup>ñe Ty'o<sup>o</sup>ots'om

'o. Mach'ee<sup>n</sup> na ljo' ee nquii Espíritu na cwiluiiñê m'aa<sup>n</sup> naquii' n'om'yo'. Mayuu' na cwilanei<sup>n</sup>na ñ'oom ntjei<sup>n</sup> nacjoo' Cristo saã cwiluiit'ma<sup>n</sup>ñê cantyja 'na<sup>n</sup>'yo'.

15 Xe<sup>n</sup> na m'aa<sup>n</sup> cwiindyoy' 'o na wi' matjom, nchii cats'aana' na ljo' nc'e na seicuee' ts'a<sup>n</sup>, oo na mach'uee, oo cwiiche<sup>n</sup> nnom natia, mei<sup>n</sup> nchii nc'e na matii'ñe cwii nnom ñ'oom 'naa<sup>n</sup>' cwiiche<sup>n</sup> ts'a<sup>n</sup>.

16 Saã xe<sup>n</sup> maco'wi'na' 'u nc'e na matseijom-ndyu' ñequio Cristo, ticatsona' na c'oom' na jna<sup>n</sup>, 'u catseit'maa<sup>n</sup>ndyu' Ty'oots'om na matjom' naljo'.

17 Ee jndã tue'ntyjõ xje<sup>n</sup> na juu na macu'xe<sup>n</sup> Ty'oots'om nn'a<sup>n</sup> nna<sup>n</sup>na quii'ntaa<sup>n</sup> jaa na laxmaa<sup>n</sup>ya nn'a<sup>n</sup> 'naa<sup>n</sup>'a<sup>n</sup>. Ndo' xe<sup>n</sup> mana<sup>n</sup>na' ñequiondyõ jaa majndeiitiche<sup>n</sup> nn'a<sup>n</sup> na tilacandãã'ndye ñ'oom'm.

18 Ndo' xe<sup>n</sup> nc'uaa' nlui'n'maa<sup>n</sup>ndye nn'a<sup>n</sup> na maque<sup>n</sup>na' joo na tjaa jna<sup>n</sup> laxma<sup>n</sup>, ¿chiiu nluiiyuu na nlui'n'maa<sup>n</sup>ndye nn'a<sup>n</sup> na tia nn'a<sup>n</sup>ndye ñequio nn'a<sup>n</sup> jna<sup>n</sup>?

19 Jo' chii nn'a<sup>n</sup> na wi' cwiitjoomna nc'e na l'ue ts'om Ty'oots'om, ñecwitco cal'ana na maty'iomyana', ndo' catioona añmaa<sup>n</sup>na l'õ Ty'oots'om na s'aa jooa, ee cwiluiiñê na mayom'm.

## 5

*Ñ'oom na matseijndo'na' n'om nn'a<sup>n</sup> cwentaa' Ty'oots'om*

1 Nncõ na cwiluiitquiendyo, waa na ñe'catseijndo'a n'om' 'o na cwiluiitquiendyo' quii' ntmaa<sup>n</sup> nn'a<sup>n</sup> na macwji' Ty'oots'om cwentaa<sup>n</sup>'a<sup>n</sup>, ja na ndõõ'noõ<sup>n</sup> na wi't'ma<sup>n</sup> na teinom Cristo, ndo'

na mati nntseijomndyo na nluiit'ma<sup>n</sup>ñê quia na ndyonnaa<sup>n</sup>a<sup>n</sup> ndo' mati 'o.

<sup>2</sup> Nn'a<sup>n</sup> na cwiluiindye canma<sup>n</sup> ntsmei<sup>n</sup> Ty'o<sup>o</sup>ts'om cal'a'yo' cwenta joona, nchii ñequio najndei'na' na nl'a'yo' ts'iaa<sup>n</sup>ñee<sup>n</sup>, mei<sup>n</sup> nchii na quee<sup>n</sup> n'om'yo' s'om, saa ñequio na xcwee'ya n'om'yo' cha'xje<sup>n</sup> nquii Ty'o<sup>o</sup>ts'om l'ue ts'oom,

<sup>3</sup> Ty'o<sup>o</sup>ts'om ty'ioom ts'iaa<sup>n</sup> 'o, mei<sup>n</sup> nchii nlque<sup>n</sup>ndyo' na nluiit'ma<sup>n</sup>ndyo' ndaa joo nn'a<sup>n</sup> na cwilayu'. 'O xcweya c'om'yo' jo ndaana cha nnda<sup>a</sup> nluii'ndyena 'o.

<sup>4</sup> Ndo' na luaa', nque<sup>n</sup> na cwiluiitquieñê na mateix'ee<sup>n</sup> tmaa<sup>n</sup> cwentaa<sup>n</sup>a<sup>n</sup>, quia na ndyonnaa<sup>n</sup>a<sup>n</sup>, nnts'aa<sup>n</sup> na nnto'ñoom'yo' cwii corona na tijoom nc'uaana' na cantya 'naa<sup>n</sup> jo' nntseit'maa<sup>n</sup>ñena' 'o.

<sup>5</sup> Ndo' mati 'o nn'a<sup>n</sup> na cjeti m'a<sup>n</sup>yo', catue'ndyo'cje'yo' ndaa nn'a<sup>n</sup> na cwiluiitquiendye naquii' ts'iaa<sup>n</sup> 'naa<sup>n</sup> Ty'o<sup>o</sup>ts'om. Matsona' na cha'tsondyo'ñ'e<sup>n</sup>yo' catue'ndyo'cje'yo' ndaa nc'iaa'yo' na cwila'yu' ñequio na nioom' n'om'yo', ee waa ljeii na matsona':

M'aa<sup>n</sup> Ty'o<sup>o</sup>ts'om nacjoo nn'a<sup>n</sup> na cwitjeii's'andye, cwitjeii'lcundye,

saa ndaa nn'a<sup>n</sup> na cwituee'ndyecje mañequiaa<sup>n</sup> naya na matseixmaa<sup>n</sup>.

<sup>6</sup> Jo' chii catue'ndyo'cje'yo' nacje 'naa<sup>n</sup> ts'o Ty'o<sup>o</sup>ts'om na tjacantya najndei cwiluiiñê cha quia nncue'ntyjo xje<sup>n</sup> ntyjee<sup>n</sup> nntseit'maa<sup>n</sup>ñê 'o.

<sup>7</sup> Catue'yo' nacjoo' nque<sup>n</sup> cha'tsoñ'e<sup>n</sup> na matseñ'ee<sup>n</sup>ñena' 'o ee m'aa<sup>n</sup> m'aa<sup>n</sup> ts'oom 'o.

<sup>8</sup> C'om'yo' na jndo' n'om'yo' ndo' cal'a'yo' cwenta, ee m'aa<sup>n</sup> tsa<sup>n</sup>jndii na jnoom'm 'o.



Matseijomna' jom cha'cwijom catsia<sup>n</sup> liom na manom manomyo' na mal'ueyo' quioo' na nlquiiyo'.

<sup>9</sup> Calajnda'yo' na cwitsa'yo' nacjoom'm ñequio na cwila'yu'ya ñ'om'yo' ñ'e<sup>n</sup> Ty'ooots'om ee manquiu'yo' na cha'waa tsjoomnancue nquiee nn'a<sup>n</sup>yo' na cwila'yu', maljoyu na wi' cwiwinomna cha'xje<sup>n</sup> na cwiwjom'yo'.

<sup>10</sup> Ndo' ndanquia cwantindyo xuee na cwiwinom'yo' nawi'meii<sup>n</sup>, manquiiiti Ty'ooots'om nnts'aa<sup>n</sup> na laxma<sup>n</sup>yo' na candaa'ndyo', na nncwintyje'tye<sup>n</sup>yo' cantyja 'naa<sup>n</sup>a<sup>n</sup>, na nc'om'yo' na jnda'yo' jo nnoom, na tjaa'na<sup>n</sup> na cwii nntseits'eiina' 'o. Nnts'aa<sup>n</sup> na nmeii<sup>n</sup> nc'e naya na matseixmaa<sup>n</sup> na m'aa<sup>n</sup> na candya' ts'oom 'o. Jnda maquee<sup>n</sup>ñê 'o na nla'jomndyo' yuu na caxuee na ticantycwii na cwiluiiñê nc'e Jesucristo.

<sup>11</sup> Ñenque<sup>n</sup> tintycwii na tseixmaa<sup>n</sup> najnei<sup>n</sup> na catsa'ntjoom. Amén.

*Matseicwanom Pedro na xma<sup>n</sup>ndye nn'a<sup>n</sup> na cwila'yu'*

<sup>12</sup> Mateijndeei Silvano ja na teiljei carta chjoowaañe. Macwji'a cwenta na cwiluiiñê ts'a<sup>n</sup> na matseyu' na xcwee' ts'oom. Cantyja 'naa<sup>n</sup> juuna' mañequiaya na t'ma<sup>n</sup> n'om'yo' ndo' macwji'yuu'ndyo na juu naya na matseixma<sup>n</sup> Ty'ooots'om, cwiluiiñena' na mayuu'.

<sup>13</sup> Tmaa<sup>n</sup> nn'a<sup>n</sup> na macwji' Ty'ooots'om cwen-taa<sup>n</sup>a<sup>n</sup> na m'a<sup>n</sup>na Babilonia, na ljo'yu macw-jee<sup>n</sup>e<sup>n</sup> joona cwentaa<sup>n</sup>a<sup>n</sup> cha'xje<sup>n</sup> macwjee<sup>n</sup>e<sup>n</sup> 'o, cwila'cwanomna na xma<sup>n</sup>ndyo'. Ndo' mati maljo' mach'ee jndaaya ti'Marcos.

14 Cwii cwiindyoy' ñequio luee'yo' quia'yo' na xma<sup>n</sup>ndye ntyjee'yo'.

Ndaa cha'tsondyo' na laxma<sup>n</sup>'yo' cwentaa' Cristo, quiaa Ty'o<sup>o</sup>ts'om na nnto'ñoom'yo' na mei<sup>n</sup>cwii ñomtiuu tinc'om'yo' jo ndaana.

**Ñ'oom xco na tqe<sup>n</sup> ty'o<sup>o</sup>ts'om cantxja 'naa'  
Jesucristo**

**New Testament in Amuzgo, Guerrero  
(MX:amu:Amuzgo, Guerrero)**

copyright © 1999 Wycliffe Bible Translators, Inc.

Language: Guerrero Amuzgo (Amuzgo, Guerrero)

Translation by: Wycliffe Bible Translators, Inc.

Amuzgo, Guerrero

amu

Mexico

**Copyright Information**

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Amuzgo, Guerrero

**© 1999, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2024-02-11

---

PDF generated using Haiola and XeLaTeX on 18 Apr 2025 from source files  
dated 29 Jan 2022

3a693cf5-26ad-5db1-89e8-29e6d3f52b61